



Grönneger Bond

Adress van de FPGB: Kêrkpad 2, 9921 PP Steem Gn
Postgironn van de FPGB: 3 58 80 84
Baank van de FPGB: Rabobaank, 9636 AS Zuudbrouk Gn
baankrekennr: 3 49 20 67 16
baaident op noam van: Aalgemain breukmeester FPGB,
Hillegeloan 10, 9636 CN Zuudbrouk Gn

liest **12**

Bêste Grönneger,

Wie schrieven Joe omdat wie mainen, dat le veur Grönnen t haart op t rêchte stee zitten hebben. Wie willen mit dizze braif geern in Joen gedachten brîngen, dat de Federalistische Partij Grönneger Bond in de politiek opkomen wil veur de belangen van Grönnen. Dat is neudeg omdat:

- waarklooshaid in Grönnen zowat t hoogste is in t laand terwiel dat Nederlandse ekonomie veur n groot dail drift op t Grönneger aardgas. Wie vinnen dat onrechtveerdeg.
- ons pervînsie ôfvaalbak van t laand te worren draagt. Plannen over attoomôfvaalopslag en militêre terraainen in t Noorden, doar heur wie aalwêg over. Mòr loat ze zok tr nait op verkieken: Wie willen gain attoomôfvaal in ons zôltmienen en gain militêr terraain in Laauwerszeepôlder. En wie loaten ons doar ook nait deur t lôkkertje van waarkgelegenheid tou verlaaiden. Knôlen loat wie ons nait langer veur sitrounen verkopen!
- ons toal te verdwienen draagt ofschoon grode meerderheid van t Grönneger vòlk Grönnegers sprekt. Wie vinnen dat diz ontwikkeln vot stòpt worren mout.
- wie t vertrauwen in de laandelke partijen schoon verloren hebben. Wat dizze partijen veur Grönnen doan hebben is bitter waaineg. As we op de Hoagse heren vertrauwen zollen den kon we laank wachten. Hou voak is ons al nait van alles en nog wat beloofd? En wat is dr gebeurd? Mòr mit an t zied stoan blieven en jammern, kloagen, stînen en poesten kom we niks wieder. Wie mouten zulm hannen oet maauwen steken en scholders dr onder zetten.

Eerste opgoave, dij veur ons staait, is zôrgen, dat wie op n 24. meert vaaste vout in Stoaten van Grönnen kriegen. Doar heb we Joen hulpe bie neudeg. Wie binnen doarom zo vrij op Joe n dringend beroep te doun om ons te hêlpen. Nait bloots gêldelk (al kîn t doar nait boeten tou), mòr be-noam deur n 24. meert ain van de kandidoaten van de FP Grönneger Bond te kaizen.

Wie reken op Joe, mòr le kînen vanzulm meer doun as ons kaizen. le konnen ook lid of donateur worren, le konnen ons gêldelk hêlpen, le konnen ons hêlpen mit t waark in de verkaizenstied, le konnen n biljet van ons veur Joen fînster hangen. En mog le eerst meer over de FPGB waiten willen den kîn dat ook as le ons dat den even waiten loaten deur onderstoand pepier invuld op te sturen.

Wol le mitdoun of meer waiten willen kruust den ain van de O aan en stuurt ons dit pepier tou (an FP Grönneger Bond, Kêrkpad 2, 9921 PP Steem Gn).